



Rezultati rada Državnog tužilaštva u 2025.godini pokazuju visok nivo uspješnosti u vođenju krivičnih postupaka

Državna tužilaštva u 2025. godini uspješno su vodila krivične postupke i kvalitetno pripremala optužnice, što potvrđuju ostvareni rezultati rada.

Čak 99,38% optužnica, koje su podnijela državna tužilaštva, potvrđeno je u postupku sudske kontrole, dok su optužnice Specijalnog državnog tužilaštva potvrđene za 97,62% lica o kojima je sud odlučivao.

Slični rezultati zabilježeni su i kada su u pitanju optužni predlozi. Činjenica da su sudovi u gotovo 98 odsto slučajeva prihvatili podnesene optužne predloge potvrđuje visok nivo kvaliteta rada državnih tužilaštava, kao i njihovu posvećenost efikasnom i zakonitom procesuiranju.

Po optuženjima osnovnih, viših i Specijalnog državnog tužilaštva sudovi su donijeli 92,50% osuđujućih, 6,46% oslobađajućih i 1,04% odbijajućih presuda.

Temeljan rad tužilaštava omogućava da optuženja u najvećem broju slučajeva dobiju sudsku potvrdu i završe osuđujućim presudama.

Navedeni pokazatelji pokazuju uspješnost državnih tužilaca u dokazivanju navoda optuženja i vođenju postupaka pred sudovima. Istovremeno, rezultati potvrđuju kvalitet prikupljenih dokaza, zakonitost postupanja i efikasnu saradnju sa policijom i drugim nadležnim organima u otkrivanju i procesuiranju krivičnih djela.

Rezultati ostvareni tokom 2025. godine potvrđuju značajnu ulogu Državnog tužilaštva u sprovođenju krivičnopravne zaštite, očuvanju vladavine prava i zaštiti javnog interesa kroz efikasno i profesionalno procesuiranje krivičnih djela.